



Meeqqat Ikiortigit

Red Barnet Grønland

Kalaallit Nunaanni Meeqqat Ikiortigit Ukiumut Nalunaarut 2019-2020

Ukioq Red Barnet-imut pitsaasuusimavoq, ukiumimi suliarivagut pilersaarusi at timalersorneri, suleqatigiiffinni peqataasimavugut aammalu nunatsinni, Danmarkimi nunanilu allani tusagassiuutini qingasaarisarneq aammalu kinguaassiuutitigut atornerluisarnerit pillugit suliniuteqarnigut erseqqaarissimallutik.

Ukiorli aamma Corona pequtigalugu sungiusimasanit allaanerusimavoq. Suliniaqatigiiffiit suliffeqarfiillu allat assigalugit, nualluussuaq pequtigalugu, ingerlanniakkat ilaat unitsikkallartariaqartarsimavagut, ineriartornerup qanoq ittuunera iluamik takutserlugu. Taamalli corona inuiaqatigiinnik unikaallatsitsisimagaluartoq, inuttut atukkanut tunngasut ajoraluartumik unikaallassimanngillat. Taamaattumik sulinigut pissutsinut naleqqussartariaqartarsimavagut, taamaakkaluartorli qujanartumik suliariniakkatta ilarpassui ataatsimiittarnerillu digitaliusumik ingerlassinnaasarsimallugit.

Taamatut ililluta ukioq pisoqarfioqisoq naammaginartumik ingerlaffigisimavarput, meeqqanut tunngasut erseqqissumik oqaassuttarlugit aammalu nunatsinni qingasaarisarnerit kinguaassiuutitigullu atornerluisarnerit akiorniarlugit suliniutigisagut nukittorsarsinnaajuarsimallugit.

Siulersuisuunerit

Aningaaserisorput Katrine Olsen 2019-ip ukiaagaa Ilulissanut nuuppoq kingornalu stressernini pequtigalugu Danmarkimut nuuttariaqarsimalluni, taamallu siulersuisuunerni ilaasortaanerminit tunuartariaqarsimalluni.

Siulersuisuunernilu siulittaasup tullerisaata Christian Wittingip aningaaserineq tigugallarsimavaa. Ilaqutariilli iluani napparsimasoqarnera pequtigalugu Danmarkimut aamma taanna nuuttariaqarsimavoq.



Aningaasaqarniarneq aningaasaliisussarsiortarnerillu

Aningaasaqarnerput tamakkiisumik isigalugu ajunngilaq.

2020-imi aprilip qaammataagaa Nuummi immikkoortorqarfimmit pilersaarutinut 35.000 koruuninik aningaasaliiffigineqarpugut, tassa 2020-imi Meeqqat Ulluannik ingerlatsinissatsinnut.

2020-imilu aamma aprilip qaammataagaa Nuummi Immikkoortortaqarfippu peqatigalugu aalisariartitsinissatsinnut 18.00 koruuninik tapiiffigineqarluta.

2020-imi junimi Tips aamma Lottomidlenit kinguaassiuutitigut atonerluinermik akiuniarlta suliniuteqarnitsinnut 200.000 koruuninik tapiiffigineqarpugut.

Taaneqartullu saniatigut inuit suliffeqarfiillu ataasiakkaat aamma tapiissuteqartarput, tamannalu qujamasuutigeqaarput.

Kiisalu ukiuni kingulliunerusuni 2018-imi 2019-imilu aningaasaliissutit ilarpaalui matusimavagut, naammassineqartutut inissillugit.

Suliniaqatigiiffik allattoqarfillu

Siorna allattoqarfimmi ullup ilaani sulisarluni atorfirmik pilersitsivugut siulersuisunik sulissisartussamik aammalu sumiiffimmi peqatigiiffimmik suleqaterneramik

ikorfartuisussamik. Sulisortarpulli ukiup aallartinnerani unippoq, piffissaq tamaat atorlugu praktikertussanngorami. Tamatuma kingorna sivikitsumik atuuttumik atorfinitsitseqqippugut, isumaqatigiillutali suleqatigiinniarneput naleqqutivinngitsoq, taamallu avissarluta. Taamaattumik siulersuisut aaliangerput, atorfiup tunngavia pilersaarusiornermut sammitinnerutinniarlugu. Taamaattumik ukiup tulliata ingerlanerani sulisussarsiorniarpugut Pajupparamik taallugu ingerlatatsinnik ataqatigiissaarisussamik. Taassuma immineq kajumissutsimik suleqataarusussinnaasut nunatsinni sumiiffinni assigiinngitsuni suleqataasinnaasut pissarsiariniassavai saniatigullu sumiiffinni assigiinngitsuni pilersaarutit iluamik ingerlanissaat isumannaarumallugu ikorfartuisuussalluni.

Maanna projektcheferput Anna Starup oktoberip qiteqqunnerani unissaaq, Danmarkimut nuussagami. Annalu suleqatigiilluarsimanermut qutsavigaarput. Taartissaanik inuttassarsiuneq ingerlanneqarpoq nalilersuisullu 21. oktober 2020 aallarnerfigalugu sulilersussatut pilersaarusiornermut pisortatut Patricia J. Ottsen atorfinittussatrut toqqarpaat.

Periuseriniakkat

Ukiuni kingullerni sulinitssinni tunngaviusimapput 2017-imiit 2021-imut periusissiaasimasut. Tassani qitiutinneqarput oqaassussisartuuneq aammalu ataqatigiissunik suliniuteqarneq aammalu suleqatigisinnaasanik piukkunnartunik peqateqarluni ingerlatsineq, tassani pisortaneersut privatillu suleqatigineqarlutik, qitiutillugit suliat qinngasaarisarnernut kinguaassiuutitigullu atornerluinernut attuumassuteqartut.

Maannalu ukiunut taaneqartunut atuagassatut periusissiaasimasut naammassineqangajalerput, taamaattumillu ukiumi tulliuttumi nutaamik periusissioinnissaq qitiutinneqartussaassaaq.

Nuummi immikkoortortaarfik

Nuummi immikkoortortaarfik ukiuni kingulliunerusuni pitsaasunik nuannersunillu meeqqanik angajoqaavinillu ataatsimoortitsinernik ingerlataqartarsimavoq. Immikkoortortaarfilli corona pequtugalugu sulorartitsisarnini unitsikkallarta-riqarsimavaa, maannali aallarteqqissimallugu. Saniatigullu Nuummi peqatigiiffiup ukiup ingerlanerani assigiinngitsut arlallit ingerlassimavai, soorlu assersuutugalugu juullisioqatigiissitsineq aammalu Inuiattut

ullorsiornermi nereqatigiissitsineq ornigarneqarsimaqisut ingerlassimallugit peqataasunut nuannaarutaalutillu nuannersunik misigisaqarfiusimasut.

Immikkullu aaqqissuisoqarpoq Petrine Andersen 2019 immineq kajumissutsimik immikkut suleqataalluarsimasutut nersornaaserneqarmat. Taamatut iliorfigineqarpoq qutsaviginiarneqarluni nunatsinni meeqqat inuusuttullu nuannersunik misigisaqartinniarninerini immikkut suleqataalluartsimaneranik tunniusimalluarlunilu peqataasarsimanerminut. Petrine aamma persuarsutigineqarpoq qiimajuartuugami pisariaqartinneqaraangallu akunnbattuussanani ikiuuttuartarsimalluni.



Pilersaarutit

Ukiunut 2020-imut qaammatisiut

2020-imut qaammatisiusiaq, Brugseni aamma assiliisoq Carsten Egevang suleqatigalugit sanatipparput. Tassani meeqqat piginnaatitaaffii sallertut sammineqaput nuannaarutigarpullu aammalu naleqqittutut isigalugu taanna maanna angerlarsimaffippassuarni nivingammat neriutigalugulu meeqqat piginnaatitaaffii pillugit oqaloqatigiilernernik pilersitseqataasinnaassasoq. Carsten Egevang aamma Brugseni suleqatigiilluarnitsinnut qutsavigaagut neriulluta suli siunissami suleqatigilluartaqqikkumaarlugit.

Meeqqat Ulluat

Meeqqat Ulluat 1. juni Katuami malunnartipparput. Tassani assigiinngitsunik ingerlatsivugut aliikkusersuisitsillutalu pilersikkumallugit ataatsimoornermik ikinngutigiiinnermillu misiginissat. Aggiasut amerlaqaat ingammillu kiinnanik qalipaanerit ornigarneqarput, utaqqsullu ima amerlatigalutik, allaat ilaat silamiittariaqarlutik. Immineq kajumissutsiminnik suleqataasut aaqqissuussamut iluatsilluartumut qutsavigaagut.

Kalaallit qallunaallu inunnik isumaginninnermik suliaqarnermi oqartussaasut suleqatigiinnerisa ilaattut suleqatigiissitami peqataaneq

Nunatsinni NGO-t allat peqatigalugit meeqqat inuusuttullu pillugit sammivinni nunatsinni meeqqat inuusuttullu sullinnissaannut atatillugu suleqatigiissitami peqataavugut isumassanik immersueqataalluta.

Augustillu qaammataagaa inassuteqaatit 16-iusut ilisaritinneqarput, qanoq piaartumik pinaveersaartitsisinnaanermut, kommunini sullissinerit pitsaanerulersinnaaneriniq, meeqqat sanngiinnerusut inissisimasut annertunerusumik neqerooruteqarfigineqarnissaannut sammisunik meeqqallu kinguaassiuutimikkut atorneqarlunneqarsimasut inatsisitigut piginnaatitaaffiisa nukittunerulersinnissaannik imaqartut. Ilisaritsinerullu kingorna nunatsinni qallunaat nunaannilu tusagassiuutitigut oqaaseqarpugut.

Pajuppara

Pajuppara assaavoq nuna tamakkerlugu qinngasaarisarneq akiorniarlugu suliniutip aqqa, tassani illoqarfinni 16-iusuni atuffassissutitut ingerlaartinneqarpoq qinngasaarisarneq pillugu oqaluttuaq. Tassani anguniarneqarpoq paasititsiniutaal-luni qanoq pitsaasumik ataatsimoorussisoqarsinnaasoq aammalu pitsaaliuineq qinngasaarisarnermik unissaaniarnermi qanoq atorneqassasoq. Ingerlanneqartorli inuttaqartumik nunatsinni illoqarfinni arlaqartuni ingerlanneqartussaammat, corona peqqutigalugu unitsikkallarneqarpoq. Atortussalli, immineq kajumissuti-minnik suleqataajumasunut ilitsersuutit, oqaluttuaq atuffassissutissaq, usasaaru-tissat il.il naammassineqareernikuupput.

Kinguaassiuutitigut atornerluinernut atatillugu atuagassiaaqqaat nassuiaasiallu Pitsaaliuinnermut Isumaginninnermullu Aqutsisoqarfillu suliarineqarput

Taamatut suleqatigiinnermi siunnerfiuvoq paasiuminartunik erseqqissunillu saqqummiussassanik inerisaanissaq, paasissutissiisunik paasiuminarsaataasunillu kinguaassiuutitigut atornerluisarnerit qanoq ittuunerinik. Tamanna

piareersarneqarpoq ilaatigut 9-nik atuagaaraliornikkut, immikkut tamarmik siunnerfeqartinneqarlutik suliarineqartunik, meeqqanut inussuttunullu, angajoqqaanut, oqartussaasunut, ilinniartitsisunut aammalu kanngutsaatsuliortunut 18-illu inorlugit ukiulinnut naleqqussakkatut. Taaneqartunut oqaasertalersuinerit assitalersuinerillu misissoqqissaarpagut siunnerfigalugu taakku ingerlaavartumik saqqummiuttarnissaat.

1. juni Meeqqat Ulluanni saqqummiupparput nassuiaasiaq "Misigissutsit", taannalu meeqqanit inersimasuniillu pitsaasumik qisuariaateqarfigineqarpoq.

Digitaliusumik attaveqaatit atorlugit meeqqat pisinnaatitaaffii pillugit paasititsiniaaneq

2019-imi decemberip qaammataani meeqqat piginnaatitaaffii pillugit digital-iusumik paasititsiniaanerput naammassivarput. Tassani Facebook atorlugu piginnaatitaaffiit ataasiakkaarlugit saqqummiussorpagut.

Chat Paaralugu

Chat Paaralugu tassaavoq paasititsiniaarmut atatillugu digitaliusumik attaveqaatit atorlugit iserfissiaq. Tassuunakkut meeqqat, inuusuttut, angajoqaat allallu ilitseuuppagut qanoq iliorlutik digitaliusumik attaveqaatit isumannaanerusumik atorsinnaagaat, nassuiarlugit suut mianersorfissaasut. Maanna nutarterlugit suliaaraagut digitaliusumik attaveqaatit atorlugit qanoq kanngutsaatsuliorniartoqar-tarneranik erseqqissaatit, taammaattutigummi tamanna takussaagaluttuinnarmat.

Kaassasuk – nipituumik atuffassineq

Tassani meeqqanut paasiuminarsarlugu qinngasaarisarnermik paasititsiniaanermi nipituumik atuffassineq, tiartaaneq aammalu oqaluttuarneq sakkutut atorineqarput, tassanilu aamma sammineqarlutik qanoq qinngasaarisarnermik millisaaniarsinnaaneq aammalu pinngoitsoortitsiniaasoqarsinnaasoq. Coronali peqqutigalugu pineqartoq unitsinneqarallarpoq, atuakkanilli atorniartarfiit tamatuma nangeqqinnissaanik oqaloqatigineqarput.



Qujavugut:

Ukiumi siuliusumi nunatsinni meeqqanut inuusuttunullu sunniuteqartumik suliaqartunut qujajumavugut immikkullu aamma qutsavigiumallugit ilaasortagut imminerlu kajumissutsiminnik suleqataasimasut tamaasa.

Makkunangalu tapiiffigineqarpugut:

Tips- og Lottomidlerne, Royal Arctic Line, Nuup Busii, Royal Greenland, Naluttarfik Malik, Pisiffik, Brugseni, Air Greenland, Jysk, GRK, Grønlands Revisionskontor allarpassuillu.

Ukiumut ingerlalluarfiusumut qujanaq aammalu qujanaq nunatsinni meeqqat TAMARMIUSUT pitsaasumik toqqissisimanartumillu meeraanissaat angujumallugu suleqataasimanissinnut.